

ACORDO DE COLABORACIÓN ENTRE A FEDERACIÓN GALEGA DE MUNICIPIOS E PROVINCIAS E A FUNDACIÓN SANTIAGO APÓSTOL DE CIENCIAS SOCIALES, ENTIDADE XURÍDICA RESPONSABLE DA ESCOLA UNIVERSITARIA DE TRABALLO SOCIAL DE SANTIAGO DE COMPOSTELA, PARA O DESENVOLVEMENTO DA FORMACIÓN EN CENTROS DE TRABALLO

Santiago de Compostela, a 20 de maio de 2011.

REUNIDOS


Por unha parte, D. Carlos Antonio Fernández Castro con D.N.I. nº 33.226.715H como Presidente e representante legal da *Federación Galega de Municipios e Provincias (Fegamp)*, con domicilio en rúa Varsovia portal 4C - 6ª planta, código postal 15707, en Santiago de Compostela e código de identificación fiscal V15160963.

E doutra, Dª Teresa Facal Fondo, con D.N.I. nº 32.748.615L como Delegada da *Fundación Santiago Apóstol de Ciencias Sociales*, entidade xurídica responsable da Escola Universitaria de Traballo Social, centro adscrito á Universidade de Santiago de Compostela, con domicilio na Praza da Inmaculada, nº 5 - 3ª planta, código postal 15704 de Santiago de Compostela, e código de identificación fiscal G15666514.

EXPOÑEN

Que ambas as partes recoñécense reciprocamente capacidade e lexitimidade para acordar.

Que o obxectivo do presente acordo é a colaboración entre as entidades ás que representan para o desenvolvemento do prácticum do alumnado de traballo social.



ACORDAN

Subscribir o presente acordo de colaboración para o desenvolvemento da formación do alumnado de traballo social en centros dependentes das entidades locais de Galicia que se adhiran ao presente convenio marco de acordo coas seguintes

CLÁUSULAS



Primeira.- O alumnado de traballo social desenvolverá actividades formativas programadas nos centros e servizos das entidades locais de Galicia adheridas á Fegamp e ao presente convenio marco sen que isto implique relación laboral ningunha con estas institucións, esta será polo tanto estritamente académica.

Segunda.- O Concello ou Entidade Local colaborará na formación do alumnado de traballo social sen que en ningún momento poida verse afectado o seu normal funcionamento.

Terceira.- O número de alumnos en prácticas será determinado de mutuo acordo, cada ano, entre as partes. Estarán acollidos ao Réxime Xeral do Seguro Escolar na cobertura dos riscos de enfermidade e accidentes, sen prexuízo da póliza que la Fundación poida subscribir como seguro adicional para mellorar as indemnizacións, cubrir danos a terceiros ou responsabilidade civil.

Cuarta.- Os alumnos garantirán e asinarán un documento de confidencialidade da información e dos datos, tanto orais como escritos, que con ocasión das prácticas tivesen coñecemento.

Quinta.- A entidade responsable da docencia presentará ao traballador social responsable do alumno o programa de prácticas a realizar por este, e fará un seguimento do alumnado en coordinación co responsable da Entidade Local, e este pola súa parte enviará á Escola un informe de avaliación das referidas prácticas unha vez concluído o cumprimento das mesmas. Poderase facer unha revisión da programación, se fora necesario, unha vez iniciado o período de prácticas.





Sexta.- A actividade desenvolvida polos alumnos en todo momento será apoiada ou orientada por un traballador social dependente da Entidade Local designado a tal efecto polo responsable do centro ou servizo correspondente.

Sétima.- A supervisión e avaliación de cada alumno será efectuada por un profesor de traballo social; con tal fin remitirá ao profesional responsable do centro ou servizo onde se realizan as prácticas un cuestionario avaliativo das mesmas. Sendo ao rematar estas o profesor da Escola o responsable último da nota dos alumnos.

Oitava.- O presente acordo poderase extinguir por finalización do tempo convido e poderase rescindir por calquera das partes, mediante denuncia dalgunha delas que se lle deberá comunicar a outra cunha antelación mínima de cinco días, baseada nalgunha das seguintes causas:

- a) Cesamento de actividades do centro docente ou dos centros dependentes da Entidade Local.
- b) Forza maior que imposibilite o desenvolvemento das actividades programadas.
- c) Incumprimento das cláusulas establecidas no convenio específico de colaboración, inadecuación pedagóxica das prácticas formativas ou vulneración das normas que estean en cada caso vixentes en relación coa realización das actividades programadas.
- d) Mútuo acordo entre a *Fundación Santiago Apóstol de Ciencias Sociais*, adoptado pola súa dirección, e a *Federación Galega de Municipios e Provincias*, adoptado pola súa. Igualmente poderase rescindir para un alumno, ou grupo deles, por calquera das partes asinantes, e ser excluído da súa participación no acordo por decisión unilateral da Fundación ou da Fegamp ou conxuntamente de ambos os dous, nos seguintes casos:

d.1) Falta de asistencia e/ou puntualidade non xustificadas.

d.2) Actitude incorrecta ou falta de aproveitamento, tras unha audiencia coa persoa interesada.

Novena.- A entidade responsable da docencia expedirá aos traballadores sociais colaboradores que coordinen as prácticas dos alumnos un certificado de colaboración e lles facilitará o acceso ao material bibliográfico e documental que posúe, así como á formación a través dos cursos que organice a mesma para profesionais responsables de alumnos.

Décima.- O Presidente da *Federación Galega de Municipios e Provincias* e a Delegada da *Fundación Santiago Apóstol de Ciencias Sociales* designarán ás persoas que realizarán o seguimento deste acordo, así como o control e desenvolvemento da actividade obxecto do mesmo.

Undécima.- O presente acordo entrará en vigor durante o presente curso escolar, sen prexuízo de que se prorrogue automaticamente para os vindeiros cursos, se non é denunciado por algunha das dúas partes antes do inicio do curso académico dese ano.


E, en proba de conformidade, asinan as partes o presente convenio no lugar e data indicados ao comezo.

**POLA FEDERACIÓN GALEGA DE
MUNICIPIOS E PROVINCIAS**



Carlos A. Fernández Castro

**POLA FUNDACIÓN SANTIAGO
APÓSTOL DE CIENCIAS SOCIALES**



Teresa Facal Fondo